



Sektorski operativni program za zapošljavanje, obrazovanje i socijalnu zaštitu  
(2015-2017)

PROGRAM GRANTOVA ZA SAMOZAPOŠLJAVANJE

SOPEES 2015-2017/1.1/DAW-SELF-EMP;

CFCU/MNE/086

**1. Da li je trošak upisnine u advokatsku komoru opravdan trošak ?**

U dokumentu „Smjernice za podnosiocje prijedloga projekta“, na str. 8-10 navode se prihvatljivi i neprihvatljivi troškovi. Trošak upisnine za članstvo u organizacijama nije prihvatljiv trošak sa stanovišta finansiranja iz bespovratnih sredstava.

**2. Projekat traje maksimum 10 mjeseci, na koji način će se poslovne aktivnosti planirati i ograničiti na ovaj period ?**

U dokumentu „Smjernice za podnosiocje prijedloga projekta“ navodi se na str. 7 da trajanje projekta „ne može biti kraće od 6 mjeseci niti duže od 10 mjeseci“. Podrazumijeva se da se u navedenom roku sredstva iz dodijeljenog granta angažuju u sprovođenju biznis plana, pri čemu je krajnji rok završetka navedenih aktivnosti 31.12. 2020. godine.

Shodno „Ugovoru o dodijeli bespovratnih sredstava za samozapošljavanje – Aneks H“ u članu 9 stav 1 tačka 13, se navodi da će korisnik održati svoje zaposlenje sa punim radnim vremenom i plaćati poreze najmanje 12 mjeseci od dana registracije djelatnosti.

**3. Da li je moguće da dvije ili više nezaposlenih osoba koje registruju firmu i ispunjavaju uslove za program podrške osnuju jednu firmu i svi se tamo zaposle ?**

U okviru poziva samo jedna nezaposlena osoba može predati prijedlog projekta i može dobiti bespovratna sredstva u iznosu od 3.000 do 7.500 eura.

**4. Da li studenti imaju pravo da konkurišu za bespovratna sredstva ?**

U dokumentu „Smjernice za podnosiocje prijedloga projekta“ navodi se na str. 6, tačka 4.1.1 „prihvatljivi podnosioci prijedloga: ko može da se prijavi“. Prvi od kriterijuma za prihvatanje podnosioca projekta glasi: „Da bude nezaposleno lice neprekidno registrovano na evidenciji Zavoda za zapošljavanje Crne Gore, najmanje 6 mjeseci prije objave Poziva za dostavljanje prijedloga projekta.“

Na osnovu zakona o posredovanju pri zapošljavanju i pravima za vrijeme



nezaposlenosti, član 6 stav 7, lice koje se ne smatra nezaposlenim licem je student osnovnih studija, u skladu sa posebnim zakonom.

**5. Da li postoji ograničenje u smislu godina starosti za podnosiocje prijedloga projekta ?**

Ne postoji ograničenje u smislu godina starosti za podnosiocje prijedloga projekata. U dokumentu „*Smjernice za podnosiocje prijedloga projekta*“ navodi se na str. 6, tačka 4.1.1 “prihvatljivi podnosioci prijedloga: ko može da se prijavi”.

**6. Da li se otvaranje web stranice tj sajta za određene usluge računa u biznis ideju ?**

U dokumentu „*Smjernice za podnosiocje prijedloga projekta*“ na str. 7, pod tačkom 4.1.2 *Prihvatljive aktivnosti: aktivnosti za koje se može podnijeti prijava*, navodi se da prijedlozi projekta mogu uključiti ideju u svim sektorima i granama, osim onih za koje je navedeno da su neprihvatljive.

**7. Da li su troškovi adaptacije poslovnog objekta, opravke i kupovine novih uređaja prihvatljivi u Programu grantova za samozapošljavanje ?**

Upućujemo Vas da u prihvatljive troškove između ostalih spadaju i sljedeći troškovi (*Smjernice za podnosiocje prijedloga projekta* str 8.) i to :

Kupovinu mašina, tehnike, alata i opreme potrebne za obavljanje djelatnosti na koju se odnosi Biznis plan. U prihvatljive troškove ulaze i kupovina polovne opreme, ali samo ako se radi o opremi koja prelazi vrijednost bespovratnih sredstava koja se dodjeljuju, a neophodna je za obavljanje djelatnosti za koju se potražuju bespovratna sredstva. Oprema ne smije da bude starija od 5 godina i mora imati dokaz o godini proizvodnje; Opravka postojećih uređaja i adaptacija poslovnog objekta nije prihvatljiv trošak.

**8. Da li je moguće polja iz Biznis plana povećati jer su određena polja mala. Da li mogu dostaviti dodatnu dokumentaciju ?**

Biznis plan je u Word formatu, tako da ste u mogućnosti povećati određeno polje. Sva prateća dokumentacija koja je neophodna nalazi se na sajtu Zavoda, dodatna dokumentacija, koja dodatno pojašnjava Vaše buduće poslovne aktivnosti, može imati samo pozitivne efekte na krajnji rezultat.

